



# ВЫЛЬ СІЗЁН



ОТДЕЛ  
РЕЛИГИОЗНОГО  
ОБРАЗОВАНИЯ

## ИОАНН АПОСТОЛЛЭН ЫСТЭМ НЫРЫСЕТЙ ГОЖТЭТЭЗ

### 1-тй ЛЮКЕТ

<sup>1</sup>Мар вал кутсконысеныз ик, мае ми кылймы, мае ас синмынымы адзймы, мае учкймы-чакламы, асьме кйын йөтйськылймы, – улонлэн Кылыз сярысь, – тйни мар сярысь гожъяськомы. <sup>2</sup>Улон лыктйз но ми адзйса шара ивортйськомы, та бы-рисьтэм улон сярысь тодытйськомы, кудйз Атай дорын вал, асьме доры лыктйз, –<sup>3</sup>мае ми адзймы, мае кылймы, тйледлы но ивортйськомы, тй но милемын огазе мед кариськоды шуыса; нош ми Атаен но Солэн Пиеныз Иисус Христосэн огазын улйськомы. <sup>4</sup>Тае тйледлы гожтйськомы, пачыл шумпотонэн мед-улоды шуыса.

<sup>5</sup>Тани, та ивор, кудзэ ми Иисус Христослэсь кылймы но тйледлы тодытйськомы: Инмар – со югытлык, Со бордын нокыче но пеймытлык өвөл. <sup>6</sup>Ми Соин огазын улйськом шуиськомы ке, нош асьмеос пеймытын улйськомы ке, соку асьмеос өрекчаськись луиськомы, зэмлыклы тупамон умлэсьтылйське. <sup>7</sup>Нош югытын улйськомы ке, кызы Со югытын улэ, соку ваньмы огазын улйськомы. Соку Солэн Пиезлэн Иисус Христослэн Вирыз котькыче но сьöлыклэсь асьмеды сузя. <sup>8</sup>Сьöлыкмы өвөл шуиськомы ке, соку асьмемыз асьмеос өрекчаськомы, асьмелэн пушкамы Инмарлэн зэмлыкез өвөл. <sup>9</sup>Асьмелэсь сьöлыкъёсмес ватытэк

вераськомы ке, Со, оскиськымон, шонерлыко луйсь, съолькьёсмес куштэ. Вань шонертэм улонлэсь асьмеды сузя. <sup>10</sup>Ми өм съолькалэ шуиськомы ке, Сое өрекчи луэ шуыса возьматйськомы. Солэн кылыз асьме сьулмын өвөл.

## 2-тй ЛЮКЕТ

<sup>1</sup>Яратоно нылпиосы! Тае тйледлы медад съолькалэ шуыса гожтйсько. Кин ке съольказ ке но, соку асьмелэн Атай азын Дурбасьтйсьмы, Шонер Улйсь Иисус Христосмы вань. <sup>2</sup>Асьмеды гинэ съолькьёсмылэсь мозмытйсь өвөл, быдэс дуннеез Со съолькьёсызлэсь мозмытйсь луэ.

<sup>3</sup>Солэсь курон-косоньёссэ быдэсьяса улйськомы ке, со возьматэ ини асьмеос Сое тодймы шуыса. <sup>4</sup>Кин шуэ: "Мон Сое тодй", нош Солэсь курон-косоньёссэ уг ке быдэсья, со өрекчи, со пушкын Инмарлэн зэмлыкес өвөл. <sup>5</sup>Нош кин Солэсь кылзэ быдэсьяса улэ, солэн сьулмаз Инмарлэн яратонэз зэм ик пачылмиз. Отысен тодйськомы асьмеос Со бордын улйськомы шуыса. <sup>6</sup>Кин шуэ: "Мон Инмар бордын улйсько", со озьы улыны кулэ, кызы Иисус Христос улйз.

<sup>7</sup>Гажаноосы! Тйледлы выль курон-косон уг гожтйськы, вашкалазэ курон-косонэз гожтйсько. Со кутсконысен ик тйледлы тодмо вал: вашкала курон-косон луэ кыл, кудзэ тй кутсконысеныз ик кылйды. <sup>8</sup>Но, озьы ке но, тйледлы выль курон-косон гожтйсько: со – зэмлык, кудйз Со бордын

но, тй бордын но улэ. Уго пеймытлык ортче но зэмос югыт пиштыны кутске. <sup>9</sup>Кин шуэ: ”Мон югытын улйсько”, нош агай-вынзэ адзонтэм каре ке, со пеймытын улэ на. <sup>10</sup>Кин агай-выньёсты яратэ, со югытын улэ, со пыр визь сынаськон уг ни луы. <sup>11</sup>Нош кин агай-вынзэ адзонтэм каре, со пеймытын улэ, пеймыттй ик ветлэ. Кытчы мынэмзэ со уг тоды, малы ке шуоно, пеймыт солэсь синзэ ёксаз.

<sup>12</sup>Пинальёс, соин тйледлы гожтйсько: Солэн нимыз понна тйляд съёлыкёсты куштэмын. <sup>13</sup>Атайёс, соин тйледлы гожтйсько: кутсконысеныз ик Улйсез тй тойдды. Егит пиос, соин тйледлы гожтйсько: тй уродлыклэсь кузёзэ вормиды. <sup>14</sup>Пинальёс, соин тйледлы гожтй: тй Атаез тойдды. Атайёс, соин тйледлы гожтй: кутсконысеныз ик Улйсез тй тойдды. Егит пиос, соин тйледлы гожтй: тй кужмоесь, тйляд сюлмады Инмарлэн кылыз улэ, тй уродлыклэсь кузёзэ вормиды.

<sup>15</sup>Та дуннеез эн яратэ. Мар дунне вылын вань, сое но эн яратэ. Кин ке таизэ дуннеез яратйз ке, солэн сюлмаз Атайлэн яратонэз уг улы. <sup>16</sup>Уго ваньмыз мар вань дунне вылын – лулмугорлэн ортчыт кужмо кулэ кароньёсыз, синьёслэн уродлы синмаськонзы, вылтйяськыса улон – Атайлэсь өвёл, со та дуннелэсь луэ. <sup>17</sup>Таиз дунне ортчебыре, солэн ортчыт кужмо кулэ кароньёсыз но быро, нош Инмарлэсь эриксэ быдэсьясь пумтэм вапумьёс улэ.

<sup>18</sup>Пинальёс! Берпум вапумьёс ни. Тй кылйды, антихрист лыктоз шуыса. Али ик трос анти-

христъёс потйзы ни, – отысен асьмеос тодйськомы, берпуметй вапум вуиз шуыса. <sup>19</sup>Соос асьме пöлысь потйзы, но соос асьмелэнъёс öй вал. Соос асьмелэнъёс луысалзы ке, асьмемын огазе кыльысалзы; нош соос асьме пöлысь потыса кошкызы. Соос ваньмыз ик асьмелэнъёс öвöл шуыса тодмо луыны кулэ вал уго. <sup>20</sup>Дун-Сьöлыктэмлэн тйледыз вöйын зырземез вань, озьыен, тй ваньзэ тодйськоды. <sup>21</sup>Мон тйледлы зэмлыкез öд тодэ шуыса öй гожты. Гожтй соин: тй зэмлыкез тодйськоды, озьы ик тодйськоды, нокудйз но öрекчаськон зэмлык бордысь уг поты шуыса. <sup>22</sup>Öрекчаськись öвöл-а со, кин Иисусэз Христос öвöл шуыса лыдья? Со – антихрист, Атаез но, Пиез но кулэтэм карись. <sup>23</sup>Нокудйзлэн но Пиез кулэтэм карисьлэн, Атаез но öвöл; нош Пиез кулэ карисьлэн, Атаез но вань. <sup>24</sup>Озьыен, кутсконысеныз ик мае тй кылйды, со тйляд сюлмады мед улоз. Кутсконысеныз ик кылэмды тйляд сюлмады улйз ке, соку тй но Атай бордын, Пи бордын улоды. <sup>25</sup>Со асьмелы бырисьтэм улон сётыны сйзиз. <sup>26</sup>Тае мон тйледыз йыромонэ нуись муртъёс сярысь гожтй. <sup>27</sup>Христос дорысь басьтэм вöйын зырзон, тй бордын улэ. Соин ик тйледлы мукет дышетйсьёс кулэ öвöл ни. Та вöйын зырзон тйледыз котьмалы дышетэ, – со зэмлыко, öрекчаськон öвöл. Соин ик, кызыы Со тйледыз дышетйз, Со бордын озьы улэ. <sup>28</sup>Озьыен, пинальёс, Иисус Христос бордын улэ. Со лыктыку, Со азын кышкано, возьдаськоно медад луэ. <sup>29</sup>Иисус Христос шонер улйсь шуыса



тодйськоды ке, тодэлэ: котькудйз шонер лэсьтйсь мурт Инмарлэсь вордскемын шуыса.

### 3-тй ЛЮКЕТ

<sup>1</sup>Учкелэ, Атай кыче юн асьмеды яратйз, – Инмарлэн нылпиосыз шуыса нимаз, – Солэн нылпиосыз ик луиськомы но. Дунне Сое уг тоды бере, соин ик асьмемыз но уг тоды. <sup>2</sup>Гажаноосы! Асьмеос табере Инмар нылпиос луиськомы; но али усьтэмын өвөл на, кычеесь асьмеос луомы. Но тодйськомы: Иисус Христос лыктэм бере, Со лы укшасесь луомы, малы ке шуоно, Сое адзомы сычеем, кыче Со вань. <sup>3</sup>Котькудйз, Сое тазы оскиськонэн возмась мурт, ассэ дун-чылкыт каре, уго Со дун-чылкыт.

<sup>4</sup>Котькудйз, сьöлык лэсьтйсь мурт, законлы пумит уж лэсьтэ. Сьöлык – со Инмар законлы пумит уж. <sup>5</sup>Тй тодйськоды, Со асьмемыз сьöлыкжесмылэсь мозмытыны лыктйз шуыса. Со бордын нокыче но сьöлык өвөл. <sup>6</sup>Нокудйз но Со бордын улйсь мурт уг сьöлыка. Одйгез но сьöлыкаса улйсь мурт Сое өз адзы, Сое өз тоды. <sup>7</sup>Пинальёс! Нокин но тйлесьтыд визьдэс медаз туга. Кин шонер лэсьтэ, со шонер улйсь Иисус Христос кадь ик шонер улйсь луэ. <sup>8</sup>Сьöлыкаса улйсь мурт дьяволлэсь луэ, малы ке шуоно, вапумьёслэн кутсконысеныз ик дьявол сьöлыказ. Дьяволлэсь ужжессэ куашкатон понна ик уго Инмар Пи лыктйз. <sup>9</sup>Инмарлэсь вордйськем нокудйз но адями сьöлык уг

лэсьты, малы ке шуоно, Солэн кидысэз со пушкын улэ. Инмарлэсь со вордйськемын бере, соин ик съольканы но со уг быгаты. <sup>10</sup>Инмарлэсь нылпиоссэ но дьяволлэсьсэ нылпиосты тазы тодманы луоно: котькудйз шонертэм уж лэсьтйсь мурт, агай-выньёссэ яратйсьтэм мурт – Инмарлэсь өвёл.

<sup>11</sup>Кутсконысеныз ик тй таёе веранэз кылйды: огмес огмы мед яратомы. <sup>12</sup>Каин кадь ум улэ. Со шайтанлэсь вал, аслэсьтыз вынзэ вииз. Нош мар понна сое вииз? Со понна: солэн ужъёсыз лекесь вал, нош вынызлэн – шонересь. <sup>13</sup>Агай-выньёсы, тйледыз дунне адземпотостэм каре ке, эн паймелэ. <sup>14</sup>Асьмеос тодйськомы кулонысь улонэ выжимы шуыса, малы ке шуоно, агай-выньёсмес яратйськомы. Агай-вынзэ яратйсьтэм мурт кулон пёлтй ветлэ. <sup>15</sup>Агай-выньёссэ адземпотостэм карись мурт, адями виись луэ. Нош тй тодйськоды, адями виись мурт бордын бырисьтэм улон өвёл. <sup>16</sup>Иисус Христос асьме понна лулзэ сётйз – отысен асьмеос яратонэз тодймы. Асьмеос но агай-выньёсмы понна лулмес сётыны дасесь луыны кулэ. <sup>17</sup>Кинлэн та дуннеын котьмаиз вань, нош братэзлэсь ёрмыса улэмзэ адъыса вылысь, солэсь палэнскыса сюлэмзэ со ворса ке, – кызы сыёе мурт бордын Инмарлэн яратонэз улоз?

<sup>18</sup>Яратоно пинальёсы! Кыл вылын, вераськыса гинэ ум, вае кутскоме уж вылын, зэмзэ ик яратыса улыны. <sup>19</sup>Асьмеос зэмлык бордысь шуыса соку тодомы но Инмар азын сюлэмъёсмес буйгатомы. <sup>20</sup>Маин ке асьмелэн сюлэммы асьмемыз судить

каре ке, Инмар асьмелэн сюлэммылэсь бадзымгес, Со ваньзэ тодэ. <sup>21</sup>Гажаноосы! Асьмелэн сюлэммы асьмеды судить уг ке кары, соку асьмеос Инмар азьын кышкатэк улыны быгатйськомы. <sup>22</sup>Ваньзэ, мае куримы, Инмар дорысь басытомы, уго Солэсь курон-косонъёссэ быдэсьяса, Со лы ярамон зеч ужъёс лэсьтыса улйськомы. <sup>23</sup>Нош Инмарлэн курон-косонэз таңе: Пиезлэн Иисус Христослэн нимызлы асьмеос мед оскомы но огмес огмы мед яратомы, кызы Со асьмеды куриз-косйз. <sup>24</sup>Кин Инмарлэсь курон-косонъёссэ быдэсьяса улэ, со Инмар бордын улэ, нош Инмар – со бордын. Инмар асьме бордын улэ шуыса, Солэн асьмелы сётэм Духез тодытэ.

#### 4-тй ЛЮКЕТ

<sup>1</sup>Гажаноосы! Вань духъёслы эн оске, духъёсты эскере-чаклалэ – Инмарлэсь-а соос, малы ке шуоно, дунне вылэ трос öрекчи пророкъёс потйзы. <sup>2</sup>Инмарлэсь Духсэ (но йыромытйсь духез) тазы висьяны луоно: Иисус Христос лулмугорын лыктйз шуыса тодытйсь дух Инмарлэсь луэ; <sup>3</sup>нош дух, кудйз Иисус Христос лулмугорын лыктйз шуыса уг ке тодыты, со Инмарлэсь öвöл, – со антихристлэн духез. Тй кылйды со дух лыктоз шуыса, со али ик дунне вылын вань ини.

<sup>4</sup>Пинальёс! Тй Инмар бордысь потэмын, тй соосты\* вормиды. Уго Со, Кин тй пушкын улэ,



бадзымгес солэсь, кин дуннеын улэ. <sup>5</sup>Соос та дуннелэн муртъёсыз, дунне вылійсьёс кадь ик верасько но. Дунне соосты кылзэ. <sup>6</sup>Асьмеос – Инмар бордысь потэмьёс. Инмарез тодйсь мурт асьмемыз кылзэ, кин Инмар бордысь өвөл, со асьмемыз уг кылзы. Тазы висьяны быгатйськомы зэмлыклясь Духсэ йыромытйсь духлэсь.

<sup>7</sup>Гажаноосы! Огмес огмы яратоме, уго яратон Инмар бордысь потэ. Котькудйз яратйсь мурт Инмарлэсь вордскемын, со Инмарез тодэ. <sup>8</sup>Кинлэн яратонэз өвөл, со Инмарез уг тоды, малы ке шуоно, Инмар – со яратон. <sup>9</sup>Инмар асьмемыз яратонзэ тазы усътйз: Со Аслэсьтыз одйг гинэ Пизэ дунне вылэ ыстйз, Со пыр асьмеос улон мед басьтомы шуыса. <sup>10</sup>Тани мар бордын яратон: Инмарез асьмеос өм, Со асьмеды яратйз но Аслэсьтыз Пизэ асьмеды сьöлыкьёсмылэсь мозмытон понна ыстйз. <sup>11</sup>Гажаноосы! Инмар асьмемыз озыы яратйз бере, асьмеос но огмес огмы яратыны кулэ. <sup>12</sup>Инмарез нокин но, ноку но өз адзы. Огмес огмы яратйськомы ке, соку Инмар асьме бордын улэ но Солэн яратонэз асьмелэн сюлмамы пачылмиз.

<sup>13</sup>Асьмеос Инмар бордын, Со асьме бордын улэ шуыса, отысен тодйськомы: Аслаз Духез бордысь Со асьмелы сётйз. <sup>14</sup>Асьмеос адзимы но шара ивортйськомы: Атай Пизэ дуннеез Утись луыны ыстйз. <sup>15</sup>Кин, Иисус Инмар Пи луэ шуыса осконзэ шара вера ке, со бордын Инмар улэ, со – Инмар бордын. <sup>16</sup>Инмарлэсь асьмеды яратэмзэ тодймы но солы оскимы. Инмар – со яратон. Сюлмаз яратонэн улйсь Инмар бордын улэ, Инмар – со

бордын. <sup>17</sup>Асьмелэн сьолмамы Инмарлэн яратонэз пачылмиз, соин ик суд нуналэ кышкатэк улыны быгатомы, – уго та дуннеын шонер улйськомы, кызьы Со шонер улэ. <sup>18</sup>Яратонэн улыку кышкан өвөл, – пачылмем яратон кышканэз улля, малы ке шуоно, кышканэн улон курадзон вае. Кин кышканэн улэ, солэн яратонэз быдэ вуэмын өвөл на. <sup>19</sup>Инмарез яратоме, уго Со азьлогес асьмеды яратйз. <sup>20</sup>Кин шуэ: ”Мон Инмарез яратйсько”, нош агай-вынзэ адземпотостэм каре, – со өрекчаськись. Уго агай-вынзэ адзыса вылысь сое яратйсьтэм мурт, кызьы быгатоз Инмарез яратыны, Кудзэ со уг адзы? <sup>21</sup>Асьмелы Со таچه курон-косон сётйз: Инмарез яратйсь мурт агай-выньёсты но мед яратоз.

#### 5-тй ЛЮКЕТ

<sup>1</sup>Иисулэн Христос луэмезлы оскись котькудйз аядми Инмарлэсь вордскемын; кин Вордскытйсьез яратэ, со Солэсь вордскисез но яратэ. <sup>2</sup>Инмар нылпиосты яратэммес тодйськомы соя: Инмарез яратйськомы, Солэсь курон-косоньёссэ быдэсьяськомы ке. <sup>3</sup>Инмарлэсь курон-косоньёссэ быдэсьяса улонмы возьматэ Инмарез яратэммес. Солэн курон-косоньёсыз секытэсь өвөл. <sup>4</sup>Инмарлэсь вордйськем мурт дуннеез ворме. Асьмелэн осконмы дуннеез вормиз. <sup>5</sup>Кин ворме дуннеез? Со гинэ, кин оске, Иисус Инмар Пи луэ шуыса.

<sup>6</sup>Иисус Христос вуэн, вирен, Духен лыктйз. Вуэн гинэ өз лыкты, – вуэн но, вирен но Со лыктйз. Дух шара ивортэ, уго Дух – со зэмлык. <sup>7</sup>Инмын куинь шара Ивортйсь: Атай, Кыл но Святой Дух. Соос куинез одйг луо. <sup>8</sup>Музьем вылын но куинь шара ивортйсь: дух, ву но вир. Куиньназы ик огкылысь. <sup>9</sup>Адямиослэсь ивортэмзэс асьмеос кабыл басьтйськомы ке, Инмарлэн ивортэмез – бадзымгес. Уго Инмар Аслаз Пиез сярысь Ачиз шара ивортйз. <sup>10</sup>Инмар Пилы оскисьлэн пушказ та ивортон улэ. Инмарлы оскисьтэм мурт Инмарез өрекчаськись шуэ, малы ке шуоно, Инмарлэн Аслаз Пиез сярысь шара ивортэмезлы уг оскы. <sup>11</sup>Ивортон тае возматэ: Инмар асьмелы пумтэм вапумьёслы улон сётйз, та улон Солэн Пиез бордысь потэ. <sup>12</sup>Инмар Пиез сюлмаз возись муртлэн, улонэз вань; Инмар Пиез сюлмаз возисьтэм муртлэн, улонэз өвөл.

<sup>13</sup>Тае мон тйледлы, Инмар Пилэн нимызлы оскисьёслы, гожтй. Тй мед тододы: Инмар Пилэн нимызлы осконды пыр тйляд пумтэм вапумьёслы улонды вань. <sup>14</sup>Инмар азе кышкатэк лыктыны быгатйськомы: Солэн эрикезлы тэрытскыса, мае гинэ ум куриське, Со асьмеды кылзэ. <sup>15</sup>Со асьмеды котьку но кылзэ шуыса тодйськомы бере, соку тодйськомы сое но: мае гинэ Солэсь ум куриське, ваньзэ басьтйськомы.

<sup>16</sup>Кин ке агай-вынызлэсь кулонэ нуисьтэм сьöлыкен сьöлыкамзэ адже ке, со мед вöсяськоз, соку Инмар солы, кулонэ нуисьтэм сьöлыкен сьöлыкасьлы, улон сётоз. Вань кулонэ нуись сьöлык:

со сярись мед вöсьяськоз шуыса уг вераськы.  
<sup>17</sup>Котькудйз но шонертэм улон – со сьöлык. Вань кулонэ нуисьтэм сьöлык но.

<sup>18</sup>Асьмеос тодйськомы, Инмарлэсь вордскем мурт уг сьöлыка шуыса. Инмарлэсь вордскем мурт ассэ сьöлыклэсь уте но шайтан со борды уг йöтйськы. <sup>19</sup>Асьмеос тодйськомы асьмеос Инмар бордын луиськомы, нош та дуннелэн адямиосыз шайтанлэн ки улаз возисько шуыса. <sup>20</sup>Озыы ик тодйськомы Инмар Пи лыктйз но асьмелы (югытлык), визьлык сётйз шуыса. Зэм Инмарез мед тодомы. Солэн зэм Пиез Иисус Христос бордын мед уломы. Со луэ зэм Инмар, пумтэм вапумьёсы улон.

<sup>21</sup>Пинальёс! Асьтэдыз сульдэрьёслэсь-идольёслэсь уте. Аминь.

